

Hoe ons groepe finansieel bydra


Die Elfde Begrip verklaar: "NA-fondse moet gebruik word om ons hoofdoel te vervul en moet verantwoordelik bestuur word."

Ideaal gesien, stuur groepe nadat hulle hul eie onkoste gedek het, hulle geld regstreeks na elke diensvlak om te help betaal vir werk wat namens hulle gedoen word. Hierdie voorbeeld is een van verskeie moontlike modelle wat groepe kan gebruik.

Sommige groepe hou ook 'n klein bedryfsreserwe eenkant (partykeer 'n "noodvoorraad" genoem), gewoonlik 'n maand se huurgeld of uitgawes. Die *Group Booklet** waarsku ons dat "te veel geld in die kasregister baie meer probleme veroorsaak as te min geld".

* Alle Engelse titels is nog nie in Afrikaans gepubliseer nie.

Vir verdere inligting aangaande die bestuur van die groep se fondse, raadpleeg 'n paar van die volgende hulpbronne, wat aanlyn of deur deur jou gewone NA-literatuurbron beskikbaar is: *The Group Booklet, Treasurer's Handbook, Group Treasurer's Workbook, A Guide to Local Services in NA.*



Ons Sewende Tradisie van selfonderhoud gaan nie net oor geld nie, maar hierdie pamflet gaan wel daaroor. Lede met 'n verdere belangstelling oor die onderwerp word aangehoed om die volgende literatuur te lees: IP #24, *Money Matters: Self-Support in NA*, die essay oor die Sewende Tradisie in *It Works: How and Why*, en die essay oor die Elfde Begrip uit *Twelve Concepts for NA Service.*

Om lede te help om die belangrikheid van individuele bydraes te verstaan, mag groepe 'n verklaring soos hierdie by hulle vergaderings-formaat byvoeg om gelees te word voor die mandjie aangestuur word:

Ons Sewende Tradisie verklaar:
 "Elke NA-groep behoort ten volle selfonderhoudend te wees en bydraes van buite te weier."

In Narkotika Anoniem dek ons ons eie onkoste om ons vryheid te handhaaf. Deur vrylik te gee, verseker ons dat ons vergaderings het om by te woon en ons ondersteun die dienste wat NA lewendig hou en oor die wêreld heen laat groei.

Ons moedig lede aan om in gedagte te hou dat ons finansiële bydraes aan NA een van die basiese maniere is waarop ons ons dankbaarheid aan die program, wat ons 'n nuwe manier van leef gewys het, kan betoon.

Copyright © 2021 by
 Narcotics Anonymous World Services, Inc.
 Alle regte voorbehou.

World Service Office
 PO Box 9999
 Van Nuys, CA 91409 USA
 T 818.773.9999
 F 818.700.0700
 Website: www.na.org




Dit is 'n vertaling van
 NA-Konferensie-goedgekeurde literatuur.

Narcotics Anonymous,    en The NA Way is geregistreerde handelsmerke van Narcotics Anonymous World Services, Incorporated.

ISBN 9781633803480 Afrikaans 4/21
 WSO Catalog Item No. AF3128

Befondsing van NA-dienste



WAARHEEN OM ONS DONASIES TE STUUR:

GEBIED

STREEK

WÊRLD NA World Services • PO Box 9999 • Van Nuys, CA 91409 USA
www.na.org/contribute




Waarvoor ons geldmandjie gebruik word

Om selfonderhoudend te wees, beteken dat NA-dienste onderhou word deur ons eie pogings. Vergaderings wat meer het, gee meer, sodat vergaderings wat minder het, nie gebrek hoef te ly nie. Ons, as 'n wêreldwye genootskap, sorg vir Narkotika Anoniem.



Dit is slegs 'n handjie vol van die maniere waarop ons geld die boodskap help oordra.



Ons wêreldwye genootskap

Buiten ons plaaslike pogings om die NA-boodskap van herstel te deel, is daar ook baie wat oor die wêreld heen gedoen kan word om ons visie na te streef om herstel aan elke verslaafde, ongeag taal of kultuur, beskikbaar te stel.

Wanneer die NA-groepe geld na wêrelddienste toe stuur, help hulle sommige van die volgende pogings ondersteun:

- ⊗ Verskaf gratis literatuur en versendingskoste aan ontwikkelende NA-gemeenskappe

- ⊗ Befonds streekafgevaardigdes van regoor die wêreld om die Wêrelddienskonferensie elke twee jaar by te woon. Die konferensie is die plek waar "Die genootskap homself gesamentlik uitspreek oor sake wat Narkotika Anoniem in die geheel raak."

- ⊗ Die doen van skakelwerk om lede van die gemeenskap/regeringsbeamptes te help verstaan wat NA is en wat ons doen.

NA het in 'n paar dekades van slegs 'n klein getal vergaderings in 'n handjie vol plekke gegroei tot 'n wêreldwye genootskap met meer as 76,000 weeklikse vergaderings in meer as 143 lande.*

* Soos vanaf 2020.
Kaart is nie bedoel om geografies akkuraat te wees nie.